

Pular - Agape Windii - God's Love Letter Scriptures

Yuuhanna 15:9 «Wano Baabaajo on yidirimmi non, ko non min kadi mi yidiri on.

Tabitee e giggol an ngol.

Isaaya 43:1,2 - Efeesi 2:10 Ko fii ko en tagudi makko. Ko e humondiral men e lisaa Almasiihu on tagaden fii no wadiren kuude moyfē, de kanko Yehowa o ebbunoo gila law.

Yeremiiya 1:5 - Galaasi 1:15 Kono, nde Yehowaahu on, on Subinoodo lan gila ka teege yumma an, dūn ko on Noddirdo lan moyfēre mun nden,

Yuuhanna 15:16 Awa kadi hinaa onon subii lan, kono ko min subii on, toddii on kadi, fii yo on yahu rimoyon, kon ko rimudon lutta, e yo Baabaajo on yedu on kala ko toridon mo e innde an.

3 Yuuhanna 1:2 Gido an, e nooneeji din fow mido yelani-maa moyfēre e cellal bandu, wano wonkii maa kin selliri non.

Isaaya 43:4 - 1 Petruusu 2:9,10 Kono onon, ko on lejol subaangol, yottinoobe sadaka fii laamu Yehowa ngun, awa kadi ko on jamaa laabudo, yimbe jeyaabe ka Yehowa fii ko fejnina kuude moyfē mawde on Noddudo on fii yo on yaltu ka niwre, aron ka ndaygu makko hawniingu. 10 Dun ko onon bee be tawata hari hinaa jamaa Yehowa, kono jooni ko on jamaa makko, dūn ko onon bee be hebaano yurmeende makko nden, kono jooni on hebii yurmeende makko nden.

Yeremiiya 31:3 - Efeesi 1:4 Ko sabu makko Yehowaahu on subori en ko adii fuddoode aduna on, fii no woniren laabube, be aldaa e ella yeeso makko. E nder giggol makko ngol

2 Timotee 1:9 on Dandudo en, noddi en fii no nabiren ngurndan men dan no laabiri, hara hinaa sabu kuude men den, kono ko sabu haajaande makko nden tigi e moyfēre nde yediraden sabu lisaa Almasiihu on nden, ado saa'iiji poomayankeeji din.

Yuuhanna 3:16 «Ko fii hakkee ko Yehowa yidi aduna on, o yedi mo Biddo makko bajjo on, fii kala gomdindo mo wota halko, kono yo ontigi hebu ngurndan poomayankejan. Husaa'a 11:8; Isaaya 49:15,16; & Isaaya 41:13,14

Luuka 12:32 «Ko onon yo wuro tosooko, wota on hulu fus, sabu Ben mon Wondo ka kammu on tawii no wela mo ka o yeda on laamu ngun.

Matta 28:20 waajodon be doftagol ko mi yamiri on kon fow. Awa, mido wondi e mon nande woo, haa ka lannoode aduna.»

Yuuhanna 14:1 «Wota berde mon den aanu. Gomdinee Yehowa, gomdinon lan, min kadi.

Zabuura 23:1 - Yuuhanna 10:11 «Ko min woni Ngaynaako Moyfō on, ko fii ngaynaako moyfō on okkitiray ngurndan mun dan fii baali mun din.

Zabuura 23:2 - Fenninannde 7:17 Ko fii Baalun wonkun kun ka tumbo jullere laamu ornay be, ardo be ka bulli ndiyan ngurndan dan, awa kadi Yehowa fittay kala gondi wondi ka gite mabbe.»

Zabuura 23:3,4 - Luuka 1:79 fii ndayginangol wonbe ka niwre ben e ben joodiibe ka dowdi mayde e fii ardagol en e laawol buttu.»

Zabuura 23:5,6 - 2 Korenti 1:10 Ko on jattini men, jattinoya men kadi e sifa nden

mayde. Hiiyii, meden tanyinii, o jattinoyay men e nder ko faabortion men torndeeji kon.

Filipi 4:7 Dun, buttu ngu Yehowa yedata, feyfitungu kala faamu ngun, hiway berde mon den e mijooji mon din e nder humondiral mon e lisaa Almasiihu on.

Misal 3:24 & Zabuura 4:8 - Yuuhanna 14:27 Mido accande on buttu, ko buttu an ngun mi woni on okkude. Mi alaa on non okkirde wano aduna on okkirta non. Wota berde mon den jibo, wota de hulu kadi.

Zabuura 33:18 - 1 Petruusu 3:12 ko fii giide Joomiraado on no e hoore feewube ben, awa kadi noppi makko din no udditanii toraaje mabbe den, kono yeeso Joomiraado on no huccana ben wadoobe bone.»

Roomu 5:2 Ko sabu makko hebirden, iwrude e gomdinal ngal, naatirgal e oo sulfu, mo wonden e mun, tabituden. Hiden mantorde on tama'u mo marden fii mangural Yehowa ngal.

Isaaya 55:12 - Luuka 19:40 O jaabii be, o wi'i: «Mi andinii on, si kambe be fankii, kaaye den sotay!»

Yuuhanna 16:22 Onon kadi hidon mari annde jooni, kono mi yiitidoyay e mon kadi, berde mon den weltoyto. Onsay hay gooto ittoytaa weltaare mon nden.

Luuka 12:9 Kono kala yeddudo fii an yeeso yimbe ben, fii ontigi yeddyote e yeeso malaa'ikaabe Yehowa ben.

Matta 10:30 Onon e hoore mon, hay cukuli ko'e mon den fow no limaa.

Isaaya 54:10 - Matta 24:35 Kammu ngun e leydi ndin feyfay, kono min kongudi an din feyfataa.»

Matta 11:28-30 «Aree e an, on fow, yo rondiibe ko teddi haa ronki, mi fowtina on.
29 Jabon yankinanagol ko mi fawi on kon, jabon janndeeji an din. Ko fii min ko mi newiido, yankiniido kadi e bernde, dun on hebay fowtunde fii wonkiji mon din. 30 Ko fii ko mi fawata on kon no weli nabude, awa dongal ngal mi fawata on ngal ko hayfugal.» Sulaymaana 2:10 & Husaa'a 2:14,19,20

2 Korenti 11:2 Ko fii mido nawlani on nawliigu iwrungu ka Yehowa, bay mi tananike on gorko gooto, fii weebitugol on ka Almasiihu on, wa jiwo laabudo mo andaali gorko.

Exodus 3:14 - Yahuudiyankeebi 13:8 Awa lisaa Almasiihu on ko gooto, o waylotaako hanki e hande e haa poomaa.

Husaa'a 13:4 - Kuude Sahaabaabe 4:12 Ko fii kisiyee hebortaa goddo goo si wonaa lisaa Almasiihu on, sabu hay gooto okkaaka innde goo ka ley kammu doo, nde waaweten dadirde sabu mun si wonaa nde makko nden.»

Yuuhanna 15:14 Si on wadii ko mi yamiri on kon, haray ko on yibbe an.

Yuuhanna 14:6 lisaa jaabii mo, wi'i: «Ko min woni Laawol ngol e Goonga on e Ngurndan dan. Hay gooto waawataa yahude ka Baabaajo on si wonaa e an o rewri.

Fenninannde 3:20 Awa e hino lan, mido darii ka takko baafal, mido hoddaade. Kala on nanudo hawa an kan, udditi baafal mun, mi naatay ka ontigi, mi jaamida e makko, ontigi kadi jaamida e an.